

ادبیات عمومی و خبری

هفته‌لق سیاسی، ادبی و علمی غزته‌در

جلد : ۱

سنه : ۱ ۹ جمادی الاولی ۱۳۳۵ جمعه ایرتسی ۳ مارت ۱۹۱۷ نومرو ۱۸

سلیمان نظیف بکک اسلوبی

بالذات نظیف بکدن طویدم : شعرای اسلافز ایکی قسم‌در : طوغریدن طوغری به ایران سرآمدان نظمندن اقتباس صنعت ایدن اعظم ؛ برده بونلردن اتخال هنر ایدن ایکنجی درجه‌ده شاعرلر . یعنی اولکیلر طوغریدن طوغری به حافظلردن، سعدیلردن ، فردوسیلردن، انوریلردن، الخ ، دیگرلری ایسه طولایسیله ینه آنلردن مستفیض اولانلردن . نظیف بکک برنجیلره تابعین ، دیگرلرینه تبع تابعین دیمک ایستیور . ینه بالذات نظیف بکدن طویدم : کندی اسلوبنک رونق بوله‌سنده اک زیاده عجم شاعر ومنشیلرینک مطالعه آثار ییوگ بر تأثیر اجرا ایشدر .

ینه کندیلرندن طویدم : نظیف بکک اسلوبنه ، افکارینه غریبلر ایچنده اک زیاده [ویقتور اوغو] اجرای نفوذ ایشدر؛ علاوه برده‌شونی سویله‌لم که علی‌العموم رومان‌تیقلره سلیمان نظیفک باشی خوشدر .

[پهرلوتی] نك فرانسه‌ده [روشفور] ده‌کی ویلاسنک ، بویللانک ایچنده‌کی صالونلرک، مفروشاتک رسملرینی کورمش ایدم . ظن ایدرم، بونلرک نسخه اصلی‌سی رشاد فوآد بک افندیبنک نزدلرنده‌در : آفرانغه بر صالون ، لباب آلاتورقه اثاث ایله ، یانلر ، دیوانلر، شامکاری ماصه‌جقلر ، ناریکله‌لر، لوحه‌لر، تسبیحلر، شالرله طولو . بو ، بتون بتون آفرانغه دکل، چونکه اولانجه مفروشات و مزیناتی شرقدن کلش . بوتون بوتون آلاتورقه‌ده دکل ، زیرا اولانجه Confort moderne ایله مجهز : تلفونی ، آسانسوری ، آلفتریق، آلفتریق چینغراغی ، صیجاق و صغوق آقار صوبی ، الی آخره ، هپ موجوددر .

سلیمان نظیف بکک آفرانغه‌یه کچ انتساب و تردد ایتدیکنندن ، تلفظنده بر خصوصیت اولانلر کی ، طوغریدن طوغری به اساتید ایرانک خلنی اولدینی‌حاله و هله ابتدائی‌ده جعلی ظن اولونه‌بیله‌جک آفرانغه‌لقلره مالکدر .

محارستانده [اورشوه] نك قارشیسنده، سلطنت سینه‌نک‌طونه اورته‌سنده عظمت تاریخیه‌سنک بریادداشتی اولان [آطه‌قلعه] وار . بو اوفق جزیره‌نک اوکندن کچلدیکی وقت ، بر طرفده ، بتون لوازم و عناصر جدید مدیه‌سیله بر غرب شهری، دیگر طرفده ، آلقاق خانهلری ، متواضع میدانیجقلری ، کوچک بر جامع شریفی ایله بر آسیا قصبه‌سی نظر حیره چارپار ، سلیمان نظیفک اسلوب بیانی عینله بونک کیدر .

قالقاي سلطانە ، نورالدهر سلطانە ، سفر اغايە برر قات ثياب نظيف ، برر سمور پوستی ، خلعت فاخره احسان و ضميمه اوله رقده برر بوغچه زراندوزر ديبا ، شيب ، زرباف ، چار گوشه لی ، چارباف و هر بوغچه دن قطیقه و كمخا و خارا ، دارای ، سرنك ، كچرات زرتاريلری و گوشه دستارلردن برر كوپچه ویرلدى .

قالقاي سلطان ، نورالدين سلطان ، وزير سفر اغانك باشلرينه پاشا كندى ايله برر چنك صوناركن « اوغلارمن سائر سفرلرده ده بوغچه لر كوزدوكك » بويوردى . جميع ميرزالره ، بوى بكلرينه ، قاپو قوللرينه ، قراجيلره ، قوشاقلق يوز عدد زردوز ، اللى جفت خلعت اوسط ، يوز جفت خلعت ادنا ، يوز یتش كره كه چوقه چيكانلر و خلعتلر كيديرلدى و كلاب و بخورلرده ویرلدى...

۱۴ كانون ثانی ۳۳۲

محمد زکی

ملاحظات خصوصیه

انسانلر ، دائماً ، آكلامادقلری شیلری تقبیح ایدرلر ، بعضاً آكلامادقلرنی تقدیر ایدر کی کوروندکلری ده کتم جهل ایچوندلر .

§ عشق ایله اختیار اولنان خطالرك شایان عفو اولماسی ، آتشك هرشیئی تصفیة ایتدیکنندلر .

§ هر هانکی حسك بقاسنه قائل اولانلر آجی تجربه کورمیه نلردر .

§ سزه ابراز محبت ایدن دن طلب معاونت ایتیکز ، چونکه او دوستلنی غائب ایتك تهلكه سنه

معروض قایلر سکز .

§ اقتدارینه دخالت ایدیلن برر مقبل دریغ معاونت ایتدیکی زمان حسن صیتی ایچون اولسون

خاطر شکن لکدن توقی ایتلیدر و بواثر تربیه بعضاً دخیلی مسؤلی اسعاف اولمش قدر منتدار ایده بیلیر .

§ افعال ایله بیقیلان ، الفاظ ایله تعمیر اولماز .

§ کیزله مکه موفق اولدیغی ایچون قانونك تجزیه ایده مدیکی سیأتی اختیار ایدن برر آدم خلوق

وناموسکار عد اولنماز .

§ برر دوسته تودیغ اسرار ایتدی کیز زمان اونك برر کون اولوب ده خصم اولایسه جکئی

دوشونه رك اختیار اعتدال ایدیکز .

§ کندی حقنده دائماً فنا دوشونولدیکنی ظن ایدنلر جداً خطیئه کار اولانلردر .

§ انسانك اك بیوك خصمی علیهنده سویانن سوزلری کندیسنه تبلیغ ایدنلر .

§ استهزایی اثر ذکا عد ایدنلر چوق ایسه ده حقیقتده یا حسد و یا خود فقدان تربیه محصولیدر .

§ سرگذشتی آلوده سیأت اولانلر دور اقبالنده کندی کی هر کسك ده ماضیسنی اونوتدیغنی

ظن ایدر .

§ حکمت محصنه ، نيك نامدن بشقه ، هر شیئك محكوم زوال اولدیغنی اونوتماقدیر .

§ عشقده آلدانیش یوکسهك روحلری داءالجموده اوغراتیر .

§ غلیظك معامله سنه اك ظریف مقابله آكلادیغنی آكلاتماق ، حقارت کی صاحبنه اعاده ایتمکدر .

نظار بخت عثمانیه